

ጳውሎስ ቆርንቶሳ አሳው ፃፊዳ ላዔንሶ ኪታ ጌሉዋ

ጳውሎስ ቆርንቶሳ አሳው ፃፊዳ ላዔንሶ ኪታይ ፃፊቱዳዊ፣ ጳውሎሳው ቆርንቶሳን ዳዒያ አማኒያ አሳና ዳዒያ ጋኬላይ ዳር ማቱዋ ጊደ ጌሊ ኡቴዳ ዋዲያና። ኢቲ ኢቲ አማኒያ አሳቱ ኢቲ ኢቲ ቶሺያ ጳውሎሳ ሰላ ዋሌዲኖ፤ ጊደፔኔ ጳውሎስ ሲጋቲላ ማቶና ላዋታይ ባሬው ዳዒያዋ ቤሲዴ፣ ሄዌ ሃኒያ ዋዴ ዋልቃማ ናሹቻ ናሹታናው ዳንዳዪያዋ ቆንጨሴ።

ሃ ኪታ ኮይሮ ደማላን ጳውሎስ ቆርንቶሳን ዳዒያ አማኒያዋንቱና ባሬው ዳዒያ ጋኮቴላ ቆንጨሴዴ፣ አማኒያዋንቱ ጊደን ዴንዴዳ ቶሺያሲኔ ጳልቄሳሲ፣ ኢ ኡንቱንቶ ኣያሲ ማኖ ዛሩዋ ኢማዴንቶ ኦዴ። ሄዋናካ ጋሲዴ ሃዌ ኣ ሴራይ ኡንቱንታ ናጋራፔ ሲማሲኔ ሲጋቲላው ካሌሌዳ ዲራው፣ ሲሴቴዳ ናሹቻ ኡንቱንቱሲ ቆንጨሴ። ካሊዴ ቃሲ ዪሁዳን ዳዒያ አማኒያዋንታ ማዲያዋ ባሬንቱዋፔ ጮ አማና ማላ፣ ኡንቱንታ ሃሳዪሴ። ወርሴላ ሸምፓቱዋን ጳውሎስ ዩሱሳፔ ኪቴዳዋ ጊዲያዋ ሰላ ሸቄዳ ሞቱዋሲ ዛሩዋ ቃላ ኢማ። ኣዪሲ ጎፔ፣ ቆርንቶሳ አማኒያዋንቱ ጊደን ኢቲ ኢቲ አሳቱ ባሬንታ ቱሙ ዩሱሲ ኪቴዳዋንታ ኬሲዴ፣ «ጳውሎስ ዩሱሲ ኪቴዳዋ ጊዴና፤ ኢ ዋርዲዋ» ያጊዴ፣ ኣ ሞቲኖ።

ሸምፓቱዋ ኡባቱዋሲ ኢማቴዳ ቃንላ ቆፋቱዋ

ኡባፔ ሲንላቲያ ዩወዋ (1:1-11)

ጳውሎሳኔ ቆርንቶሳን ዳዒያ አማኒያዋንታ (1:12-7:16)

ዪሁዳን ዳዒያ አማኒያዋንቶ ኢማቴዳ ማዲዋ (8:1-9:15)

ጳውሎስ ባሬ ኪቴቴዳ ማታው ኤቄታናው ሺሹዳ ቃላ ማርካ (10:1-13:10)

ወርሴላ ቁቲያ (13:11-14)

1 ታኒ ጳውሎስ፣ ያሳ ሸኒያን፣ ኪሪሰቶሲ ዩሱሲ ኪቴዳዌኔ ኑ ኢሻይ ዪሞቶሲ ያሳው ጎዪኒያ ቆርንቶሳ ካታማን ዳዒያ አማኒያዋንቱኔ ኣካዪያን ዳዒያ ያሳ ናናቶ ሃ ዳቢዲቢያ ፃፊቶ።

2 ያሳ ኑ አወዋጥኔ ጎዳ ዩሱሲ ኪሪሰቶሳ፤ አጽ ከካቴላዪኔ ሳርቴላይ ሂንቴንቶ ገደ።

ጳውሎሲ ያሳው ሺሼዳ ጋላታ

3 ያሳ ኑ ጎዳ ዩሱሲ ኪሪሰቶሳ አወዋ፡ ማርቴላ አወዋኔ ማንሌሉዋ ኡባ ያሳ ጋላታይ ጋኮ፤

4 ያሳይ ኑና ኑ ሁጳው ማንሌሉዳ ማንሌሉዋዳን፤ ዳር ዋዪያ ዋዪቴያዋንታ ኑኒካ ማንሌላናዳን፤ ኑ ዋዪያ ኡባን ኢ ኑና ማንሌሉ።

5 አዪሲ ጎፔ፤ ኑኒ ኪሪሰቶሳ ባጋና ዳር ዋዪያ ዋዪቴያዋዳን፤ ሄዋዳንካ፤ ቃሲ ኑና አ ባጋና ዳር ማንሌሉዋን ማንሌሉ።

6 ኑኒ ዋዪቶፔ፤ ሄዌ ሂንቴና ማንሌላናሳኔ ሂንቴና አሻናሳ፤ ቃሲ ኑኒ ማንሌሉ፤ ኑኒ ዳንዳዬዳ ዋዪያ ማላ ሂንቴካ ጌንጨዴ ዳንዳያና ማላ፤ ያሳይ ሂንቴወካ ቃሲ ማንሌሉዋኔ ዳንዳያ አማናሳ።

7 ሂንቴ ዳማና ገዴ፤ ሂደታን ናገ ኡቴዳዌ ዳር ማና፤ አዪሲ ጎፔ፤ ሂንቴ ኑናና ዋዪቴዳዋዳን፤ ሄዋዳን ማንሌሉዋካ ኑናና አካናዋ ኑኒ ኤሬቶ።

8 ኑ ኑናዳን ያሳ ካሊያዋንቶ፤ ኑኒ ኢሲያ ጋዲያን ዋዪቴዳ ዋዪያ ሂንቴና ሃሳዪሳናው ኮዬቶ፤ ኑ ዋዪ ኑ ዋላቃፔ ዳሪና፤ ኑና ዋዪ ገዴ፤ ሂርጋና ጋካናው፤ ኑና ዋጋይ ባዪናዋ ዳጃዳ።

9 ኑኒ ኑ ቦላ ሃዪቁዋ ፐርዳይ ፐርዳቴዳ ያገዴ ቆፔዶ፤ ሺን ሄዌ ሃኔዳዌ ሃይቁዳ አሳ ሃይቁዋፔ ዳንሊያ ያሳን ኑኒ አማኔታናፔ አቲን፤ ኑ ሁጳያን አማኔታናዳና።

10 ያሳይ ሃዋ ማላ ኢታ ሃዪቁዋፔ ኑና አሼዳ፤ ኢ ኑና አሻና፤ ሲንሳፔካ ኢ ኑና አሻናዋ ገዴ፤ ሂደታን ናገ ኡቴዶ።

11 ሂንቴ ዋሴዳ ዳር ዋሳን ኑሲ አንጂ ሲሜዳ ዲራው፤ ዳር አሳይ ኑ ዲራው ያሳ ጋላታና ማላ፤ ሂንቴካ ቃሲ ኑና ዋሳን ማዳና ኮሼ።

ላማቴዳ ጳውሎሳ ቆፋ

12 ኑኒ ጨቁቴያዌ ሃዋ፤ ሃ ሳዓን ኑኒ ዳዒያ ዳዑ፤ ኡባ ቃሲ ሂንቴናና ኑሲ ዳዒያ አቲፔቴላይ ያሳ አጽ ከካቴላናፔ አቲን፤ አሳ አጽዳ ኤራቴላና ገዴናዋ፤ ቃሲ ያሳይ አሜዳ ጌሻቴላኒኔ ሱራቴላን ኑኒ ዳዒያዋ ዋዛና ቆፋይ ኑሲ ማርካቴ።

13-14 አዪሲ ጎፔ፤ ሂንቴ ናባባናወኔ አከካናው ዳንዳዪያዋ ያላላ ሂንቴንቶ ያፊያዋፔ አቲን፤ ኑኒ ሃራባ ሂንቴንቶ ያፎኮ። ኑ ጎዳ ዩሱሳ ጋላሲ ኑኒ ሂንቴናን ጨቁታናዋዳን፤ ሂንቴካ ኑናን

ጩቁታና ማላ፣ ሂንቲ ሃዒ ዉርሲ እኩኩና ዩዉዎ ጊዲኒ ዉርሲ እኩካና ጋዴ ቆጋይ።

15 ሄዎ ታኒ ሎይላ ኤሬዳ ዲራው፣ ሂንቲ ላዑ ጌዴ ጎዔታና ማላ፣ ኡባፔ ካሴታዴ ሂንቲኮ ባናው ቆፋ ቃቻዲ።

16 ታኒ ማቂደኒያ ባዴ ሂንቲናና ጋኬታናዎኔ ቃሲ ያፔ ሲማዴ ሂንቲ ማታና ዩሁዳ አፈሺን፣ ሂንቲ ታና ማዳናዎ ቆጋ ኡታዲ።

17 ሄዎ ዲራው፣ ታኒ ሄዎ ቆጋዴ ታናን አማኔታቤይኪታ? ታኒ ታ ቆፋ ቃቻያ ዎዴ፣ ሳዓ አሳዳን ኢቲ ኩላን፣ «ኤ፣ ኤ» ዎይ፣ «ጊዴና፣ ጊዴና» ጋናው ገጋ ኡታዲታ?

18 ሺን ያሳይ አማኔቲዳዎ ጊዲያዎ ቱማ ጊዲያዎዳን፣ ኑኒ ሂንቲንቶ ኦዲያ ቃላይ «ኤ» ጊያዎኔ «ጊዴና» ጊያዎ ጊዴና።

19 አዪሲ ጎፔ፣ ታኒ፣ ሲላሴኔ ዪሞቶሲ ሂንቲ ጊደን ኦዴዳ ያሳ ናዓይ፣ ዩሱሲ ከሪሰቶሲ «ኤ» ጊያዎፔ አቲን፣ «ጊዴና» ጊያዎ ጊዴና። ሺን ያሳ ባጋና ኢ ኡባ ዎዴካ «ኤ»።

20 አዪሲ ጎፔ፣ ያሳይ ኢማና ጌዳባው ኡባው ኤኖ ጌዳዌ ከሪሰቶሳ ባጋና ፖሌታና፤ ሄዎ ዲራው፣ ኑኒ ከሪሰቶሳ ባጋና ያሳ ቦንቾ፣ አሜንዒ * ጌቶ።

21 ያሳይ ከሪሰቶሳ ባጋና ኑናኔ ሂንቲና ማንጫኤ እኩ።

22 ኑኒ አዎ ጊዲያዎ ኤሪሲያ ማታፋ ኢ ኑ ቦላ ዎሊዴ፣ ባሬ ጌኻ አያና ዎሲያዳን፣ ኑ ዎዘና ጊደን ዎሊዴ።

23 ቃሲ ታኒ ቆርንቶሳ ቤናን እጌዳዌ ሂንቲና ቆሄናዳና። ሄዎ ዎርዶ ጊደፔ ታና ሙራናው ታ ሺምፑዎን ያሳይ ማርካ።

24 ኑኒ ሂንቲና ናሺቻናው ሂንቲናና ኢቲፔ አሊያዎንታፔ አቲን፣ ሂንቲ አማኒያዎን ሂንቲና ጎዴታናው ኮዪያዎንታ ጊደኮ፤ አዪሲ ጎፔ፣ ሂንቲንቲ ሂንቲ አማኑሳን ማኒዴ ዴዒታ።

2

1 ታኒ ላዒንጡዎ ሂንቲና ካዮዬና ማላ፣ ሂንቲኮ ቤናዳን፣ ታ ቆፋ ቃቻዲ።

2 አዪሲ ጎፔ፣ ታኒ ሂንቲና ካዮዪያዎ ጊደፔ፣ ሃ ታኒ ካዮዬዳ ሂንቲ ታና ናሺቻናፔ አቲን፣ ኦኔ ታና ናሺቻናዌ?

3 ታኒ ሂንቲንቶ ሄ ዳቢዳቢያ ያፌዳዌ፣ ታና ናሺቻናው ቤሲያ አሳቱዎን ታኒ ካዮታናው ሂንቲኮ ባናው ኮያቤናዎሳ፤ ታኒ ናሺቲያ ዎዴ፣ ሂንቲ ኡባይካ ቃሲ ናሺታናዎ ሂንቲ ኡባን አማኔታይ።

* 1:20 አሜንዒ: «አሜንዒ» ጊያ ቃላይ ሃዎን «ኤ» ያጌቲያ ቢሌላ ኦይቁ።

4 አዪሲ ጎፔ፣ ታኒ ሂንቴንቶ ዳሮ ዋዪያነኔ ቱጋን ቃሲ ዳሮ አሮላና ፃፌዳዋ፣ ሂንቴና ካዮያናሳ ጊዳና፤ ሺን ታኒ ሂንቴና ኡባቱዋ አይ ኬና ሲቃይታንቶ ሂንቴ ኤራናዳና።

ባዪዛንቻው አቶ ጊያዋ

5 ሺን አቲ ኡራይ ሃራ ካዮዬዳዋ ጊዳፔ፣ ታኒ አ ዬወዋ ዳሪሳናው ኮዪኬ፤ ኢ ሂንቴና ኡባቱዋ ካዮዬዳፔ አቲን፣ ታ ፃላላ ካዮዪቤና።

6 ሂንቴፔ ዳሪያ ባጋ አሳይ ሄ ቢታኒያ ማላ አሳ ሄዋዳን ሙሮፔ፣ ሄ ሙራይ አው ጊዳናዋ።

7 ሄዋ ዲራው፣ ሄ ቢታኒ ሎይሊ ካዮቴና ማላ፣ ሂንቴ አው አቶ ጋናወኔ አ ማንሌላናው ቤሴ።

8 ሄዋ ዲራው፣ ሂንቴ አ ማኒሲዴ ሲቁያዋ ኢ ኤራና ማላ፣ ታኒ ሂንቴና ዋሳይ።

9 አዪሲ ጎፔ፣ ሂንቴ ታው አዛዜታናው ኡባ ዋዴ ገጊ ኡቴዲቴንቶኔ ቃሲ ፓጪያ ሂንቴ ዳንዳዪንቶ ኤራናው፣ ሄ ዳቢዳቢያ ሂንቴንቶ ፃፋዲ።

10 አቲ ኡራይ ናቁዳዋ ሂንቴ አቶ ጊያ ዋዴ፣ ታኒካ ቃሲ አቶ ጋይ፤ ታኒ አቶ ጌዳዋ ጊዳፔ፣ አቶ ጌዳዋ አያኔ ኪሪሰቶሳ ሲንላን ሂንቴ ዲራው፣ አቶ ጋዲ።

11 ሴፃናይ ኑኮ ዪዴ፣ ኑና ጨማና ማላ፣ ታኒ አቶ ጋዲ፤ አዪሲ ጎፔ፣ ኑኒ አ ቆፋ ኤራቶ።

ኦራሳ ጫቁዋ ኦሳንቻቱዋ ያኑዋ

12 ታኒ ኪሪሰቶሳ ሚሺራቸዋ ቃላ ኦዳናው ዒሮዳዳ ቤዳ ዋዴ፣ ጎዳይ ያኒ ታው ፔንጊያ ደዪ ዋሌዳ።

13 ታኒ ታ አሻ ቲታ ያኒ ዴማቤና ዲራው፣ ታው አያናይ ሸምፒቤና። ሄዋ ዲራው፣ ያኒ ዴዲያ አሳ፣ «ሳሮ ዴዲቴ» ጋዴ ማቁዲኒያ ባዲ።

14 ሺን ኪሪሰቶሳ ባጋና ኡባ ዋዴ ኑና ያኖ ካሌሊያ ያሳ፣ ቃሲ ኪሪሰቶሳ ቲሚርቲያ ኑ ባጋና ሺቱዋዳን፣ ኡባሳ ጋሊያዋ ጋላታይ ጋኮ።

15 አዪሲ ጎፔ፣ ኑኒ አቲያ አሳ ጊዳዋነኔ ቆዪያ አሳ ጊዳን ኪሪሰቶሲ ያሳው ያርሺያ ሳወዋ ቶሺኩ ጊያ ሺቱዋ ማላ።

16 ኑኒ ቆዪያዋንቶ ዜዲያ ሃይቁዋ፤ ቃሲ አቲያዋንቶ ዴዐዋ ኢሚያ ሳዊያ ሺቱዋ፤ ያቲና፣ ሄዋ አላናው ዳንዳዪያዊ ኦኔ?

17 ኑኒ ያሳ ቃላ ጌሎባዳን፣ ዋላኪዴ ዛለዲያ ሃራ ጮራ አሳቱዋ ማላ ጊዳኮ፤ ሺን ያሳይ ኑና ኪቲና፣ አማኔቲዴ ያሳ ሲንላን ኪሪሰቶሳ ባጋና ቃላ ኦዴቶ።

3

ጾሳ ኦራሳ ጫቁዋ

1 ኪሲ ሺሬቲዳ፡ ኑ ሁጲያ ሳባናው ደሚደዬ? ዎይ ሃራ አሳቱዋዋዳን፡ ሳባ ዳቢዳቢያ ሂንቲንቶ ዬዳናው ዎይ ሂንቲፔ አካናው ኮዬቶ?

2 ሂንቲንቲ ሂንቲ ሁጲያን አሳይ ኡባይ ኤራናዳኒኔ ናባባናዳን፡ ኑ ዎዛናን ፃፊቲ ኡቲዳ ኑ ዳቢዳቢያ።

3 ሃ ዳቢዳቢያ ኪሪሰቶሲ ባሬ ሁጲያን ፃፊዳ፡ ኑ ቦላ ኪቲዳዎ ቱማ፤ ሃ ዳቢዳቢ ዴቦ-ዎ ጾሳ ጌሻ አያናን አሳ ዎዛናን ፃፊቲዳዎፔ አቲን፡ ሹቻ ቦላ ቃላሚያን ፃፊቲቤና።

4 ኑሲ ኪሪሰቶሳ ባጋና ጾሳን ሃዎ ማላ አማኑ ዴዬ።

5 ኑ ዳንዳያይ ጾሳፔ ዪያዎፔ አቲን፡ ሃ ኑሱዎ ኑኒ ኑ ሁጲያን አላናው ዳንዳዬቶ ጌያዎ ኑሲ አያዪኔ ባዎ።

6 ኑኒ ኦራሳ ጫቆ አላና ማላ፡ ጾሳይ ኑና ዳንዳዪቤዳ፤ ሄ ኦራሳ ጫቆ ጌሻ አያናዎፔ አቲን፡ ፃፊቲዳ ሂጊያዎ ጌዳና። ፃፊቲዳ ሂጊ ሃዪቁዎ አሄ፤ ሺን ጌሻ አያናይ ዴቦ-ዎ አሄ።

7 ሹቻ ዎጪዳ ፃፊዳ ሂጊ አሜቲያ ዎዳ፡ ጾሳ ቦንቹ ቤቲዳ፤ ሙሴ ሶምዒያን ዴዒያ ጳሌላይ ጳዪያዎ ጊዶፔካ፡ ሄ ጳሌላይ ዳሮ ዎልቃማ ጊዲያ ዲራው፡ ኢሰራዔሊያ አሳይ አ ሶምዒያ ቲሽሽ አሊ ያላናው ዳንዳዪቤና። ሃዪቁዎ አሄያ ሂጊ አሊያ ኑሱ ሃዎ ማላ ቦንቹዎና ዪያዎ ጊዶፔ።

8 ጌሻ አያናይ አሊያ ኑሱዎ ቦንቹ አይ ኬና ዳራኔ?

9 አዪሲ ጎፔ፡ አሳይ ፒርዳ አኪያ ኑሱ ቦንቹ ጊዶፔ፡ አሳይ ዪሊያ ኑሱዎ ቦንቹ ዋኒዳ ዳራንዴሻ?

10 አዪሲ ጎፔ፡ ካሴ ቦንቹ ሃዒ ባሬፔ ሎይሊ አጲያ ቦንቹዎ ጋሱዎን ቦንቹዎ ጳዬዳዎ ቱማ።

11 አዪሲ ጎፔ፡ ሄ ጳዬዳዎን ቦንቹ ዴዒያዎ ጊዶፔ፡ ሜጲናው ዴዒያዎን አይ ኬና ዎልቃማ ቦንቹ ዴዒንዴሻ?

12 ኑኒ ሂዶታን ናጊያ ሃዎ ማላባይ ኑሲ ዴዒያ ዲራው፡ ቆንጪያን ፃሊዳ ሃሳዬቶ።

13 ኢሰራዔሊያ አሳይ ጳዪያ ቦንቹዎ ዉርሴላ ቤዔና ማላ፡ ባሬ ሶምዒያ ናፃላን ካሜዳ ሙሴ ማላ ጊዶኮ።

14 ሺን ኡንቲንቲ ዎዛናይ ደንጪሌዳ፤ አዪሲ ጎፔ፡ ኡንቲንቲ ኤጫ ጫቁዎ ናባቢያ ዎዳ፡ ሃቹ ጋካናሲካ፡ ሄ ናፃላይ ኡንቲንቲ

3:3 ኬስ 24:12፤ ኤርም 31:33፤ ሂዝ 11:19፤ 36:26 3:6 ኤርም 31:31
3:7 ኬስ 34:29 3:13 ኬስ 34:33

ዎዛና ካሚ ዎሌዳ፤ ኦኒኔ ኪሪሰቶሳና ጋኬቲያ ዎዴ ፃላላን ሄ ናፃላይ ኪቹ።

15 ሺን ኡንቱንቱ ሙሴ ማፃፋ ናባቢያ ዎዴ ኡባን ሃቹ ጋካናሲካ፣ ሄ ናፃላይ ኡንቱንቱ ዎዛና ካሚ ዎሌዳ።

16 ሺን ያሳ ማፃፋይ፣ «ኦኒኔ ጎዳኮ ሲሚያ ዎዴ፣ አዉዴኔ ሄ ናፃላይ ቃሬቱ» ያጌ።

17 ጎዳይ ጌሻ አያና። ጎዳ አያናይ ዴዒያሳን አዪሌቴላይ ባዎ።

18 ኦኒ ኡባይካ ናፃላን ካሚቲቤና ሶምዒያን ጎዳ ቦንቹዎ ቤዓና * ቃሲ ጌሻ አያና ጊዲያ ጎዳፔ ዪያ ሄ ቦንቹ ኦና ባሬና ማላቲሲዴ፣ ቦንቹዎፔ ቦንቹ ላማና።

4

ጳውሎሲ ባሬ ኦሱዋን አማኔቲዳ አሳ

1 ሲሚ ያሳይ ኦሲ ሃ ኦሱዋ ባሬ ማርቴላን ኦላናዳን አሜዳ ዲራው፣ ኦኒ ሳሌቶኮ።

2 ኦኒ ጌማን አሏያ ዬላዪያ ኦሱዋ ኡባ አጎይቲ፤ ቃሲ ጌኒያ ኦሱዋካ ኦሎኮ፤ ዎይ ያሳ ቃላ ዎርዲዎና ዎላኮኮ። ሄዎዳንካ፣ ቱሙዎ ቆንጨያን ሃሳዪዴ፣ ያሳ ሲንላን ሱሬ ዎዛናው ኦና ሺሾይቲ።

3 ኦኒ ኦዲያ ዎንጋላ ሚሺራቹ ጌሜዳዎ ጊዶፔካ፣ ጳዪያ አሳቱዎ ፃላላው ጌሜዳ።

4 ሃ ሳዓ ያሳይ አማኔና አሳቱዎ ቆፋ ጀሊሴዳ፤ ኪሪሰቶሳ ቦንቹዎ፣ ዎንጋላ ሚሺራቹዎ ፖውዎ ባሬንቶ ፖዒያዎ፣ ያሳ ማላቲያዎ ኡንቱንቱ ቤዔና ማላ፣ ኡንቱንታ ዲጌዳ።

5 አዪሲ ጎፔ፣ ዬሱሲ ኪሪሰቶሲ ጎዳ ጊዲያዎኔ አ ዲራው ኦኒ ኦ ሁጲያን ሂንቲንቶ ቆማ ጊዲያዎ ኦዴቶፔ አቲን፣ ኦባ ኦዶኮ።

6 አዪሲ ጎፔ፣ «ጳማፔ ፖው ፖዓና» ጌዳ ያሳይ ኦ ዎዛናን ባሬ ፖውዎ ፖዒሴዳ፤ ቃሲ ኢ ባሬ ቦንቹ ኤራቴላ ፖውዎ ኪሪሰቶሳ ሲንላን ፖዒያዎ ኦሲ አማናው ፖዒሴዳ።

7 ሺን ኡባፔ አጲያ ዎልቃይ ያሳዎፔ አቲን፣ ኦሳ ጊዴናዎ ቤሳናው ኦሲ ሃ ሚንጃይ ኡርቃፔ ሜዴቴዳ ሚሻ ጊዴዳ ኦ ጊዶን ዴዔ።

8 ኦኒ ኡባ ባጋናካ ኡንዔቴዶ፤ ሺን ሜዔሬቲቤይኮ፤ ቃሲ አቲ አቲ ዎዴ ሲዴቶ፤ ሺን ኦ ኡባናካ አጊቤይኮ።

3:16 ከሰ 34:34 * 3:18 ናፃላን ካሚቲቤና ሶምዒያን፣ አቲ አሳ ዴዐዋን ሲንላ ሃናናባይ፣ ካሃ ጋርሳን ጳልቂ ቤቲያዎዳን ጉሳ። 4:6 ዶም 1:3

9 ኑኒ ዩዴርሴቴድ፤ ሺን ያሳይ ኑና ኑሊቤና፤ ቃሲ ኑ ሞርኬቴ ኑና ኑሊ ኣጌዲኖ፤ ሺን ኑኒ ጳዩቤይኮ።

10 ቃሲ ዩሱሳ ዴዑ ኑ ኣሳቴሳን ቤታና ማላ፡ ኑኒ ኡባ ዎዴ ኣ ሃዪቁዎ ኑ ኣሳቴሳን ቶኪ ዩዩቶ።

11 ኣዪሲ ጎፔ፡ ሃዪቁያ ኑ ኣሳቴሳ ቦላ ዩሱሳ ዴዑ ቤታና ማላ፡ ፓፃ ዴዲያ ኑኒ ኣ ዲራው፡ ኡባ ዎዴ ሃይቁቶ።

12 ሄዎ ዲራው፡ ሃይቁ ኑ ጊዶን ኦሌ፤ ሺን ዴዑ ቃሲ ሂንቴ ጊዶን ኦሌ።

13 ያሳ ማፃፋይ፡ «ታኒ ኣማኔዳ ዲራው ሃሳያዲ» ያጌ፤ ሄ ኣማኑዎ ኣያናይ ኑሲካ ዴዲያ ዲራው፡ ኑኒካ ኣማኔቶ፤ ሄዎ ዲራው፡ ሃሳዮቶ።

14 ያሳይ፡ ጎዳ ዩሱሳ ሃዪቁዎፔ ዴንሌዳዌ፡ ኑናካ ቃሲ ዩሱሳና ሃዪቁዎፔ ዴንሌዳ፡ ሂንቴናና ኢቲፔ ባሬ ሲንሳ ሺሻናዎ ኤሬቶ።

15 ሃዌ ኡባይ ሂንቴ ዲራሳ፤ ያሳ ኣጶ ኬካቴሳይ ዳር ኣሳ ጋኪያ ዎዴ፡ ኣሳይ ያሳ ቦንቾ ዳር ጋላታ ኣማና።

ኣማኑዎን ዴዑሳ

16 ሄዎ ዲራው፡ ኑኒ ሳሌቶኮ፤ ኑሲ ሃራይ ኣቶ፡ ቦላ ባጋ ኣሳቴሳይ ዎቁንቶካ፡ ጋርሳ ባጋ ኣሳቴሳይ ጋላሳን ጋላሳን ኑራፃ።

17 ኣዪሲ ጎፔ፡ ሃዲው ዎዬቲያ ሃ ጉሳ ዎዪ፡ ኡባፔ ሎይሌ ዳሪያ ሜጲና ቦንቹዎ ኑሲ ቤቲሳና።

18 ኑኒ ቤቴናዎ ፃሌቶፔ ኣቲን፡ ቤቲያዎ ፃሌኮ፤ ኣዪሲ ጎፔ፡ ቤቲያባይ ሃዲሳ፤ ሺን ቤቴናዎ ሜጲናው ዴዲያዎ።

5

1 ኣዪሲ ጎፔ፡ ኑኒ ዴዲያ ሃ ሳዓ ዲንካኒ ኮሌቶፔ፡ ኑሲ ኣሳይ ኬጂቤና ጎሊ፡ ያሳይ ኬፃዳዌ፡ ሳሉዎን ሜጲናው ዴዲያዎ ኑኒ ኤሬቶ።

2 ኑኒ ሃ ኣላሚያን ዴዲዴ ዳር ኦሌቶኔ ሳሉዎን ዴዳና ኑ ጎሊያ ማያናው ሎይሌ ኣሞቴቶ።

3 ኑኒ ሄዎ ማዪዴ፡ ካሎቶኮ፤

4 ኑኒ ሃ ሳዓ ዲንካኒያን ዴዲዴ፡ ዴፃቲዴ ኦሌቶ፤ ኣዪሲ ጎፔ፡ ሃዪቁያ ኣሳቴሳይ ዴዑዎን ሚቲታና ማላ፡ ኑኒ ማያናው ኮዬቶፔ ኣቲን፡ ካሎታናው ኮዮኮ።

5 ኑና ሃዎ ገጊሴዳዌ ያሳ፤ ቃሲ ኢ ባሬ ጌሻ ኣያና ዎሴ ኡዲዴ፡ ኣሚዳዌ ኣ።

6 ሄዋ ዲራው፡ ኮኒ ኡባ ዎዴ አማኔቱቶ፤ ቃሲ ኮኒ ኑ ጎሌን ሃ አሳቴላን ዴዔዳ ኮናን፡ ጎዳፔ ሻኬቲዴ ዴዒያዎካ ኤሬቶ።

7 አዪሲ ጎፔ፡ ኮኒ አማኑዎን ዴዔቶፔ አቲን፡ ቤዒያዎን ዴዎኮ።

8 ኑና አማንሌ፤ ቃሲ ሃ አሳቴላን ኑ ጎሊያ አጊ ጎሌ ቢዴ ጎዳና ኢቲፔ ዴዒያዎ ኑና ናሼቼ።

9 ሄዋ ዲራው፡ ኮኒ ቃሲ አሹዎን ዴዒና ዴዒና ቶዩና፡ ኑ ቆፋይ አ ናሼቻናሳ።

10 አዪሲ ጎፔ፡ ኮኒ ሁጲያን ሁጲያን ኦሌዳ ኦሱ ሎዒ ጊዲና፡ ዎይ ኢታ ጊዲና፡ ኑሲ ቤሲያዎ አካናው፡ ኪሪሰቶሳ ፐርዳ ኦይዲያ ሲንላን ኡባይካ ሺቃናው ቤሴ።

አሳ ያሳና ዳቦዪያ ኦሱዎ

11 ሄዋ ዲራው፡ ኮኒ ያሳው ያዩሳይ አዩንቶ ኤሪዴ፡ ሄዎዳን ቃሲ አሳካ አማንሌቶ፤ ያሳይ ኑና ኡባና ኤሬ፤ ቃሲ ሂንቴካ ሂንቴ ዎዛና ቆፋን ኑና ኤሪታ ያጋዴ ቆጋይ።

12 ቤቲያባን ጨቁቲያዎንቱፔ አቲን፡ ዎዛናን ዴዒያዎን ጨቁቴና አሳቶ ሂንቴ ኦዲ ዛሪያባይ ዴዒና ማላ፡ ሂንቴ ኑናን ጨቁታናዳን፡ ኮኒ ሂንቴንቶ ጋሱዎ ጊዳናው ኮዪያዎፔ አቲን፡ ኑና ጋላታናው ኮዮኮ።

13 ኮኒ ጎዪያዎ ጊዶፔ፡ ያሳ ቦንቹዎሳ፤ ዎይ ቃሲ ዎዛናና ዴዒያዎ ጊዶፔካ፡ ሂንቴና ጎዒናሳ።

14 ኪሪሰቶሳ ሰቁ ኑና ጊዴ፤ አዪሲ ጎፔ፡ ኢቲ አሳይ አሳ ኡባው ሃዪቁዳዎ ኮኒ አኬኬዶ፤ ሄዎ ጊዶፔ አሳይ ኡባይ አናና ሃዪቁዳ።

15 ጋዳ ዴዒያዎንቱ ባሬንቱ ዲራው ሃዪቁዳዎኔ ቃሲ ሃዪቁዎፔ ዴንዴዳዎ ዴዒናፔ አቲን፡ ሲንላፔ ባሬንቱ ሁጲው ዴዒና ማላ፡ ኢ አሳ ኡባ ዲራው ሃዪቁዳ።

16 ሄዋ ዲራው፡ ኮኒ ሃዎፔ ሲንላው ኦናኔ አሳ ቆፋን ፐርዶኮ፤ ሃራይ አቶ፡ ኮኒ ኪሪሰቶሳ ካሴ አሳ ቆፋን ፐርዴዳዎ ጊዶፔካ፡ ሲሚ ሲንላፔ ሄዎዳን ፐርዶኮ።

17 ሄዋ ዲራው፡ ኦኒኔ ኪሪሰቶሳና ዴዎፔ፡ ኦራላ ሜዴታ፤ ጨማይ አዴዳ፤ ቤዒቲ፡ ኡባባይካ ኦራዴዳ።

18 ኪሪሰቶሳ ባጋና ኑና ባሬናና ሲጌሌዳ ያሳይ ኡባባካ ኦሌዳ፤ ቃሲ ኢ ኑሲ ሃራቱዎ ባሬናና ሲጌሌያ ኦሱዎ ኢሜዳ።

19 ያሳይ ኪሪሰቶሳ ባጋና አሳ ኡባ ባሬናና ሲጌሌ፤ አሳ ናጋራካ አሳ ቦላ ጋይዴና፤ ቃሲ አሳ ባሬናና ሲጌሌያ ስታካ ኑሲ ኢሜዳ።

20 ሲሚ ያሳይ ኑ ባጋና ሂንቴንቶ ሃሳዪያዎዳን፡ ኮኒካ ኪሪሰቶሳ ዲራው ሃሳዪያ ኢ ከቲዳዎንታ፤ ቃሲ ኮኒ ሂንቴና፡ «ያሳና ሲንቲቲ» ጊዴ፡ ኪሪሰቶሳ ዲራው ዎሴቶ።

21 ኑኒ ያሳ ዲሎቴላ ኪሪሰቶሳ ባጋና አካና ማላ፣ ናጋራ ኤሬና ኪሪሰቶሳ ኑ ዲራው፣ ያሳይ ናጋራንቻ ኦሌዳ።

6

1 ሂንቴ ኑናና ያሳ ኦሱዋ ኦሊዳ፣ አ አጾ ኬካቴላ አኪዳ ሃኔና ኦጊያን ጎዔቴና ማላ፣ ኑኒ ሂንቴና ዋሴቶ።

2 አዪሲ ጎፔ ያሳይ፣
«ታኒ ኢንጄ ዋዲያን
ኔኒ ጊያዋ ሲሳዲ፤
ቃሲ አቶቴላ ጋላሲ
ኔና ማዳዲ»

ያገ። በዔቴ፣ ኢንጄ ዋዲ ሃዓ። በዔቴ፣ አቶቴላ ጋላሳይ ሃቻ።

3 ኑኒ ኑ ኦሱዋ ኦኒኔ ቦራናዋ ኮዮኮ፤ ቃሲ አናኔ ጳባናዋ ኮዮኮ።

4 ሺን ኡባባኒ ኑኒ ያሳ ኦሳንቻቱዋ ጊዲያዋ ኑ ሁጲያን በሴዶ፤ ዳሮ ገንጫን፣ ዋዪያን፣ ሜቱዋን፣ ዋልቃማ ቱጋን፣

5 ሊሱዋን ሸጩቲያዋን፣ ቃሹዋን፣ ሻቢሬቲሳን፣ ዳቡራን፣ ጌሚራሹዋ ጳዪያዋን፣ ያማን፣

6 ጌሻቴላን፣ ኤራቴላን፣ ዳንዳያን፣ ኬካቴላን፣ ጌሻ ኢያናን፣ ቱሙ ሲቁዋን፣

7 ቱሙዋ ሃሳዪያዋን፣ ያሳ ዋልቃን ኑኒ ያሳ ኦሳንቻቱዋ ጊዲያዋ ኑ ሁጲያን በሴዶ፤ ቃሲ ዲሎቴላ ቶራ ኡሺቻ ኩሺያን፣ ጎንዳሊያ ሃዲርሳ ኩሺያን አይቃና።

8 ኑኒ ቦንቼቲዶኔ ቶሺቲዶ፤ ቦሬቲዶኔ ጋላቴቲዶ። ቃሲ ቱሙዋ ሃሳዬቶ፤ ሺን አሳይ ኑና ዋርዲዋ ጊዳ ቆፕ።

9 ኑኒ አሳይ ኤሬና አሳ ማላ፤ ሺን አሳይ ኡባይ ኑና ኤሬ፤ ኑኒ ሃይቄዳ አሳ ማላ፤ ሺን ሂንቴ በዔያዋዳንካ ዳዔቶ፤ ሙሬቲዳ አሳ ማላ፤ ሺን ሃዪቂቤይኮ።

10 ኑኒ ካዮቲያዋንታ ጊዶፕካ፣ ኡባ ዋዳ ናሹቲቶ። ሂዬሳ ማላቴቶ፤ ሺን ዳሮ አሳ ዳሬዬቶ፤ ቃሲ ኢያይኔ ባይና አሳ ማላቴቶ፤ ሺን ኡባባይካ ኑዋ።

11 ቆሮንቶሳን ዳዔያ አሳው፣ ኑኒ ሂንቴንቶ ቆንጨያን ኦዳዶ፤ ኑ ኡሉዋካ ሂንቴና በሴዶ፤

12 ኑኒ ሂንቴንቶ ጳቢቤይኮ፤ ጳቢዳዋንቱ ሂንቴና። ኑኒ ኑ ኡሉዋ ሂንቴንቶ ገንጪቤይኮ፤ ሺን ሂንቴ ኡሉዋ ኑሲ ገንጪዳዋንቱ ሂንቴና።

13 ሃሲ ታኒ ታ ናናው ሃሳዪያዋዳን፣ ሂንቴንቶ ሃሳያይ፤ ኑኒ ሂንቴና ኑ ኡሉዋ ቤሴዳዋዳን፣ ሂንቴካ ኑና ሂንቴ ኡሉዋ ኣሲ ደዪዴ ቤሲቴ።

እማኔና ኣሳና ዙፔቴና ማላ ሴራ

14 እማኔና ኣሳቱዋና ዙፔቴዴ፣ ጊጌና ኡሉዋ ኦሶፒቴ። ኣዪሲ ጎፔ፣ ዓሎቴላወኔ ናጋራው ኣያን ጋኬላይ ዴዒ? ፖጾኔ ጴማው ኣያን ኢቴፔቴላይ ዴዒ?

15 ኪሪሰቶሳኔ ዳቢሎሳ * ኢቴፔ ጋሊያባይ ኣዬ? ቃሲ ኣማኒያዊኔ እማኔናዊ ኮዒያዊ ኣዬ ዴዒ?

16 ያሳ ጌሻ ጎሌወኔ ኤቃው ኣይቤ ዙፔቴላይ ዴዒ? ኣዪሲ ጎፔ ያሳይ፣

«ታኒ ኡንቴንቴ ጊደን ዴዳናኔ ኡንቴንቴ ጊደን ሃማታና።

ታኒ ኡንቴንቴ ያሳ ጊዳና፤ ቃሲ ኡንቴንቴካ ታ ኣሳቱዋ ጊዳና»

ጌዳዋዳን፣ ኑኒ ዴዑዋ ያሳ ጌሻ ጎሊያ።

17 ሂዋዳንካ፣ ቃሲ ጎዳይ፣

«ኡንቴንቴ ጊደፔ ኬሲቴ፤ ኡንቴንቴፔ ሻኬቴቴ።

ቴናባካ ቦቾፒቴ።

ታኒ ሂንቴና ሞካ ኣካና።

18 ቃሲ ታኒ ሂንቴንቶ ኣዉዋ ጊዳና፤

ሂንቴካ ታው ኣቱማ ናናቴዋኔ

ማጫ ናናቴዋ ጊዳኒታ።

ታኒ ኡባፔ ዋልቃማ ጎዳይ

ሃዋ ኦዳይ»

ያጌዳ።

7

1 ሂዋ ዲራው፣ ታ ሲቃቶ፣ ያሳይ ሃ ኡባባ ኑሲ ኣማና ጌዳዋፔ ሂኒ ባጋን፣ ኑ ኣሹዋኔ ኑ ሸምፑዋ ቱኒሲያ ኡባባፔ ኑ ሁጲያ ኣኔ ጌሾይቴ፤ ቃሲ ያሳው ያዪያዋን ኡባና ጌዪዴ ዴዔቶ።

* 6:15 ዳቢሎሳ፡ ግሪኪያ ማፃፋይ «ቤሊያር» ጌ። ሂዋ ጉሳይ ኢብራዪስኪያን «ቤሊያል» ጊያዋ። ላዑዋ ቢላላይካ «ማካላንቻ» ዋይ «ማዴናዋ» ጉሳ። 6:16 ዋግ 26:12፤ ሂካ 37:27፤ 1ቆር 3:16፤ 6:19 6:17 ኢሳ 52:11 6:18 2ሳም 7:14፤ 1ኦድ 17:13፤ ኢሳ 43:6፤ ኤርሞ 31:9

ጸዉሎሳ ናሼቻ

2 ሂንቴ ኡሉዋ ኑና ቤሲቴ፤ ኑኒ ኦናኔ ናቂቤይኮ፤ ኦናኔ ቆሂቤይኮ፤ ቃሲ ኦናኔ ጨሚቤይኮ።

3 ታኒ ሄዋ ሂንቴ ቦላ ፒርዳናው ጊኬ፤ አዪሲ ጎፔ፤ ታኒ ካሴ ሂንቴንቶ ጌዳዋዳንካ፤ ሂንቴንቴ ኑ ዋዛናን ዳዒታ፤ ኑኒ ዳዒናካ ሃይቂናካ፤ ኢቲፔ ዳዒቶ።

4 ታኒ ሃሳዪያዋ ሂንቴፔ ቆሲኬ፤ ታኒ ሂንቴናን ጨቁታይ፤ ኑ ዋዪያ ኡባን ታኒ ሎይላ ሚናይኔ ናሼታይ።

5 አዪሲ ጎፔ፤ ሃራይ አቶ ኑኒ ማቂደኒያ ቤዳ ዋይ፤ ኡባ ባጋንካ ዋዬቴደፔ አቲን፤ ሼምፒቤይኮ፤ ሃራ አሳና ዋላሳይ ዳዒ፤ ኑ ዋዛናንካ ያሻይ ዳዒ።

6 ሺን ካወሹዳዋንታ ሚንሌሊያ ያሳይ፤ ቲቶ ዩሳን ኑና ሚንሌሌዳ።

7 ኑና ካሴዋፔ አሊ ናሼቲያዌ፤ ቲቶ ዩሳ ፃላላ ጊዳና፤ ሺን ሂንቴ አ ሚንሌሌዳዌ፤ ሂንቴ ታና ቤዓናው አሞቴዳዋኔ ታው ቃሬቴዳዋ ቃሲ ሂንቴ ታና ማዳናው ጊጌቴዳዋ ኢ ኑሲ ኑዳዳ።

8 አዪሲ ጎፔ፤ ታ ዳቢዳቢ ሂንቴና ካዮዬዳዋ ጊደፔካ፤ አዪሲ ፃፋዲታሻ ጊኬ፤ አዪሲ ፃፋዲታሻ ጎፔካ፤ ታ ዳቢዳቢ ሂንቴና ጉላ ዋዲያ ካዮዬዳዋ ቤዓይ።

9 ሃዒ ታና ናሼቲያዌ ታኒ ሂንቴና ካዮዬዳ ዲራሳ ጊዳና፤ ሺን ሂንቴ ካዩ ሂንቴና ናጋራፔ ዛሬዳዋ ዲራሳ፤ አዪሲ ጎፔ፤ ኑኒ ሂንቴና አያኒኔ ቆሂናዳን፤ ያሳይ ባሬ ኮዬዳዋዳን፤ ሂንቴና ካዮዬዳ።

10 አዪሲ ጎፔ፤ ያሳይ ኮዪያ ካዩ ናጋራፔ ዛሬዳ አቶቴላኮ አሂ፤ ሄዌካ ታኒ ባዪዛዲ ጌና ዋዛና፤ ሺን አላሚያ ካዩ ሃዪቁዋ አሂ።

11 ያሳይ ሄ ሂንቴ ካዩዋን አይ አዪፊያ ኢሜዳንቶ ቤዒቴ። ሂንቴና አይ ኬና ዳንሌሌዳንቶኔ ሂንቴ ጌሻቴላ ቱማያናው ሂንቴና አይ ኬና ዛሩዋ ኢሚሴዳንቶ፤ አይ ኬና ሃንቁሌዳንቶኔ አይ ኬና ታው ያሺሴዳንቶ፤ አይ ኬና ሴሊሴዳንቶ፤ አያ ኬና ታና ላሞቴሴዳንቶኔ ናቆ ኦሱዋ ኦላዋንታ ሙራናው አይ ኬና ጊሊሴዳንቶ ፓጩ ቤዒቴ፤ ሂንቴ ሂንቴ ሁጲያን ጌሻ ጊዳዳዋ ኡባባንካ ኤሪሴዲታ።

12 ሄዋ ዲራው፤ ታኒ ሄ ዳቢዳቢያ ሂንቴንቶ ፃፊዳዋ ጊደፔካ፤ ናቁዳ ኡራ ዋይ ናቁቴዳ ኡራ ዲራሳ ጊዳና፤ ሺን ሂንቴ ኑሲ ዋዪሳ ቆፒንቶኔ ያሳ ሲንሳን ሂንቴንቶ ቆንጨሳናው ታኒ ፃፋዲ።

13 ኑኒ ሚኔዳዌ ሄዋ ዲራሳ፤ ሄ ኑ ሚኖታ ቦላ፤ ቲቶ ናሼቴዳዋሲ ኑኒ ኡባፔ ዳሪያ ናሼቻ ናሼቴዶ። አዪሲ ጎፔ፤ ሂንቴ ኡባይ አ ሂርጋፔ ሼምፒሴዲታ።

14 ታኒ ሂንቴዎ ሳባዴ አው ኦዲና፣ ሂንቴ ታና ዩላዩቤዩኪታ፤ ሺን ኮኒ ሂንቴንቶ ኡባ ዎዴ ቱሙዎ ሃሳዬደ፤ ሄዎዳንካ፣ ኮኒ ቲቶ ሲንሳን ሂንቴዎ ባቤዳዌ ቱማ ጊዴዳ።

15 ሄዎ ዲራው፣ ሂንቴ ኡባይ አው ያዩዴ ኮኮሪዴ፣ አ ዎቲ ሞኬዲቴንቶኔ ቃሲ አው ኣይ ከና አዛዘቴዲቴንቶ ኢ ሃሳዩያ ዎዴ፣ ሂንቴና ሎይሌ ሲቁ።

16 ታኒ ኡባባኒ ሂንቴና አማኒያ ዲራው ናሹታይ።

8

ዖሳ አሳቱዎ ከካቴላ አሞታ

1 ኑዎዳን ዖሳ አሳቶ፣ ዖሳ አጼ ከካቴላይ ማቂደኒያ አማኒያዎንቱ ጊደን አሌዳዎ ሂንቴና ኤሪሳናው ኮዬቶ።

2 ኡንቱንቱ አጼዴ ዋዩያን ዎልቃማ ፓጪያ ፓጪጭቴዲኖ፤ ሺን ኡንቱንቱ ሂዬሳ ጊደፔካ፣ ባሬንቱ አሚያዎን ዳሮ ከኪኖኔ ቃሲ ዎልቃማ ናሹቻ ናሹተና።

3 አዩሲ ጎፔ፣ ኡንቱንቱ ባሬንቱ ዎልቃ ከና ቃሲ ሃራይ አቶ ባሬንቱ ዎልቃፔካ ዳሪያዎ ደሲዴ አሚዳዎ ታኒ ማርካ።

4 ኡንቱንቱ ዖሳ አሳቱዎ ማዲያ ሎዎ ኦሱዎ ኑናና ኦላናው ኑና ዳሮ ዎሴዲና።

5 ኡንቱንቱ ኮኒ ቆፔዳዎፔ አሊዴ አሌዲኖ፤ ካሴቴዴ ኡንቱንቱ ባሬንቱ ሁጲያ ጎዳው አሚዳዎፔ ጉዩያን፣ ዖሳ ሼኒያዳን፣ ኮሲካ ባሬንቱ ሁጲያ አሚዲና።

6 ሄዎ ዲራው፣ ኮኒ ሃ ሎዎ ኦሱዎ ደሚዳ ቲቶ ጉጂ ኦላናዲኒኔ ሂንቴና ማዲዴ፣ ሄ ኦሱዎ ፖሊሳናዳን አ ዎሴደ።

7 ሺን ሂንቴ ኡባባኒ፣ አማኑዎን፣ ሃሳያን፣ ኤራቴላን፣ ዎልቃማ ሎዎ አሙዎን፣ ኑና ሲቂያዎንካ ዲሬቴዳዎዳን፣ ሃ ሎዎ ኦሱዎንካ ሂንቴንቱ ከካ ጊዳናዎ ኮኒ ኮዬቶ።

8 ታኒ ሄዎ አዛዛናው ጊኬ፤ ሺን ሃራቴዎ ዎልቃማ ሎዎ አሙዎ ባጋና ሂንቴ ሲቁ ኣይ ከና ቱሚንቶ ኤራናው ጋይ።

9 አዩሲ ጎፔ፣ ሂንቴ ኑ ጎዳ ዩሱሲ ኪሪሰቶሳ አጼ ከካቴላ ኤሪታ፤ ኪሪሰቶሲ ዲሬ ጊዲ ዴዲዴ፣ ሂንቴ አ ሂዬሳቴላን ዲሬታናዳን፣ ሂንቴ ዲራው ሂዬሴዳ።

10 ታኒ ሃ ዩዉዎ ሂንቴና ዘሪያዌ ሃዎ፤ ዚላይሌ ሂንቴ ደሚዳዎ ሃዲ ዉርሲያዌ ሂንቴንቶ ሎዳ፤ ሂንቴ ኦሶ ፃላላው ጊዳናን፣ ኦላና ቆፋዉካ ካሴቴዳዎንታ።

11 ሂንቴ ኦላናው ሎይሌ አሞቴዳዌ አሊዴ ፖሌዳዎና ጊጋ ጊዳና ማላ፣ ሂንቴንቶ ዳንዳዬቴዳዎዳንካ ኦሱዎ ፖሊቴ።

12 አዪሲ ጎፔ፣ አቲ ኡራይ ኢማናው ሎይሌ ኮዮፔ፣ ኢ ባሬው ዴዴዳ ከና ኢማናፔ አቲን፣ ኣው ባይናዋ ኣፔ ኣኬና።

13 አዪሲ ጎፔ፣ ታኒ ሃራንቱ ዋዪያፔ ሹምፒና፣ ሂንቴ ዋዬቲቴ ጊኬ፤ ሂንቴ ኡባይካ ቃራ ዴባናዳናፔ አቲን።

14 ኡንቱንቱ ፓላሃይ ሂንቴ ፓጫ ኩንፋና ማላ፣ ሂንቴንቶ ሃ ዋዲያን ዴዴያ ፓላሃይ ኡንቱንቱ ፓጫ ኩንፋና ኮሼ፤ ላዑካ ሄዋን ቃራን ጎዔቲኖ።

15 ያሳ ማፃፋን፣ «ዳሪሲዴ ሺሺዳዎ ፓላሂቤና፤ ቃሲ ጉላ ሺሺዳዎካ ፓጪቤና» ጌቲቲዴ ፃፊቲዳ።

ቲታኔ ኣ ላጌላ

16 ሸን ኮኒ ሂንቴንቶ ቆፒያዎ ማላ፣ ዎልቃማ ቆፋ ቲታ ቆፊሴዳ ያሳ ፓላታይ ጋኮ።

17 ቲቶ ሂንቴኮ ባናው ባሬ ቆፋ ቃቹዳዌ፣ ባሬ ሁጲያን ሂንቴና ማዳናው ዳሮ ኣሞቲዳ ጊሻፔ አቲን፣ ኑ ዞሪያ ፃላላ ኣኬዳዎና ጊዴና።

18 ሚሺራቹዎ ቃላ ኦዲያ ባሬ ኦሱዋን ኣማኔቲያ ኣማኒያዋንቱ ሲንላ ኡባን ዳሮ ቦንቹቲዳ አሻ ኮኒ ኣናና አቲፔ ኪቲቶ።

19 ሄዎ ቦላን ቃሲ፣ ሃ ኮኒ ኦሌያ ሎዎ ኦሱዋ ኢ ኦናና አቲፔ ኦላናውኔ ጎዳ ቦንቹ ኮኒ ሃራቱዎ ማዳናሲ ሎይሌ ኣሞቲያዎ ቤሳናው ኣማኒያ ኣሳቱ ኣ ዶሪዴ ሱንጮዲኖ።

20 ኮኒ ኦሌያ ሃ ኬካ ኢሞታ ዲራው፣ ኦኒኔ ኦና ዚጊሬና ማላ ናጌቲቶ።

21 አዪሲ ጎፔ፣ ኮኒ ጎዳ ሲንላን ሎዎባ ኦላናዎ ፃላላ ጊዴና፤ ሸን ኣሳ ሲንላንካ ሎዎባ ኦላናው ቆፔቶ።

22 ኮኒ ዳሮ ጌዴ ፓጪ ቤዔዳ ኑ አሻ፣ ኡባ ዎዴ ሂንቴና ማዳናው ዳሮ ኣሞቲያዎ፣ ሃ ኣሳቱዎና ሂንቴኮ ኪቲቶ፤ ቃሲ ሃዒ ኢ ሂንቴና ዳሮ ኣማኒያ ዲራው፣ ሂንቴና ማዳናው ካሲዎፔ ኣሌዴ ሎይሌ ኣሞቲ።

23 ቲቶዎ ጊዶፔ፣ ኢ ሂንቴና ማዳናው ታናና አቲፔ ኦሌያ ታ ላጊያ፤ ዮኮ አሻቱዋባ ጊዶፔ፣ ኡንቱንቱ ኣማኒያ ኣሳቱ ኪቲዳዋንታኔ ኡንቱንቱ ዴዑ ኪሪሰቶሳ ቦንቹሲያዎ።

24 ሲሚ ኣማኒያዋንቱ ኡባቱ ሂንቴ ሲቁ ቱማ ጊዲያዎ ኤራና ማላ፣ ቃሲ ኮኒ ሂንቴዎ ሳቢያዌ ሊኬ ጊዲያዎ ኤራና ማላ፣ ሂንቴ ሲቁዎ ኡንቱንታ ቤሲቲ።

9

ጋጫይ ዳዒያዎንታ ማደሳ

1 ዪሁዳን ዳዒያ ጌሻ አሳቱዋ ማደናው ዩዲያባው ታኒ ሂንቱንቶ ፃፋናው ኮሼና።

2 ሂንቱ ማደናው ሎይሊ አሞቲያዋ ታኒ ኤሪያ ዲራው፣ ማቂደኒያን ዳዒያ አሳው ሂንቱዋ ሳባዲ። ታኒ ኡንቱንቶ፣ «አካዪያን ዳዒያ እሻቱ ዘላይሊፔ ደሚዴ፣ ማደናው ገቢቱዲና» ያጋይ ኦዲዲ፤ ቃሲ ሂንቱ ዋልቃማ አሙካ ኡንቱንቱፔ ዳሪያ ባጋ ዴንሴሴዲ።

3 ሺን ታኒ ኡንቱንቶ ጌዳዋዳንካ ኑኒ ሃ ዩወዋ ሂንቱናን ጨቁቲያዌ ማላ ገዴና ማላ፣ ሂንቱ ገቢቱዳዋንታ ገዳናዳን፣ ሃ እሻቱዋ ሂንቱኮ ከታይ።

4 ማቂደኒያ አሳቱ ታናና ዪዴ፣ ሂንቱ ገቢቱናን ዳዒሺን፣ ሂንቱና ዳሞፔ፣ ኑ ፃላላ ገዴናዳን፣ ሂንቱ ኑፔ አቋዋ ዩላታኒታ፤ ሺን ኑኒ ሂንቱና ሎይሊ አማኒዴ ጨቁቲዳዋሳ።

5 ሄዋ ዲራው፣ ታኒ ሃ እሻቱ ታፔ ሲንላቲ ሂንቱኮ ቢዴ፣ ሂንቱ አማና ጌዳ አሞታ ካሴቲዴ ገቢሳና ማላ፣ ኡንቱንታ ዋሳናው ኮሺያዋ አኩካዲ። ሄዋፔ ጉዪያን፣ ሄ አሞታይ ታኒ ጋኪያ ዋዴ ገቢ ኡታናዋ፤ ሄዌ ቃሲ ዋልቃን ሂንቱ አሚያዋ ገዴናን፣ ዶሲዴ አሚያዋ ኤሪሴ።

6 ሃዋ አኩኪቲ፤ ጉላ ዜራላ ዜሪያ ኡራይ ጉላ ካላ ጫካና፤ ዳሮ ዜራላ ዜሪያ ኡራይ ቃሲ ዳሮ ካላ ጫካና።

7 ያሳይ ናሼቻን አሚያ ኡራ ሲቁያ ዲራው፣ ቃሬቲዴ ዋይ ደሴናን አሚያዋ ገዴናን፣ አሚያ ኡራይ ሁጲያን ሁጲያን ባሪ ዋዛናን ቆፔዳዋ አሞ።

8 ያሳይ ሂንቱንቶ ገዲያዌ ኡባ ዋዴ ዳዳናዲኒኔ ቃሲ ሃራቶካ ሂንቱ አማናው ገዲያዌ ዳዳናዳን ሂንቱና ኮሺያ ኡባባ ሂንቱንቶ አማናው ዳንዳዬ።

9 ያሳ ማፃፋይ፣

«ኢ ሂዬሳ አሳው ዳሪሲዴ አሜ፤
ቃሲ አ ጊሎቴላይ ሜጲናው ዳዳናዋ»

ያጌ።

10 ያሳይ፣ ዜሪያዋ ዜራላኔ ማናው ቁማ አሚያዌ፣ ሂንቱና ኮሺያ ዜራላ ኡባ ሂንቱንቶ አማና፤ ቃሲ ሂንቱ ጊሎቴላፔ ዳሮ አይፊያ አዪፊሳናው ሄ ዜራላ ዲቻናዋ።

11 ዳሮ አሳይ ሂንቴ አሟያ አሞታ ኑፔ አኪዳ፣ ያሳ ጋላታናዳን፣ ሂንቴ ኡባ ዎዴ ዳሪሲዳ አሟያዎንታ ጊዳና ማላ፣ ያሳይ ሂንቴና ኡባ ባጋና ዲሬያና።

12 አዪሲ ጎፔ፣ ሃ ሂንቴ ኦሴያ ኦሱ ያሳ ናናው ኮሺያዎ ኩንላ አሟያዎ ፃላላ ጊዳና፤ ሺን ያሳው ዳሮ ጋላታ አሟያዎን ኩሚዳ ጎፔ።

13 ሃ ሂንቴ ኦሱ ሂንቴ አማኑዎ ኤሪሲያ ዲራው፣ ዳሮ አሳይ ኪሪሰቶሳ ዎንጋላ ሂንቴ አማኒዳ ማርካቲያዎኔ ሂንቴ ማዲዎ አንቱንቴናኔ ሃራ ኡባቱዋና ሻኪዳ፣ ዳሪሲ አሟያዎ ያሳ ቦንቻና።

14 አንቱንቴ ሂንቴንቶ ያሳ ዎሲዳ፣ ሂንቴናን ዳሪሲ ያሳ አጾ ከካቴላይ ዛዋይ ባዪናዎ ዲራው፣ ሂንቴና ላሞቲቶ።

15 ዛዋይ ባዪና ያሳ አጾ ከካቴላ ዲራው፣ ያሳ ጋላታይ ጋኮ።

10

ጳውሎሲ ሞቲያዎንቴሲ ዛሬዳ ዛሩዋ

1 ታኒ ጳውሎሲ፣ ሂንቴ፣ «ኢ ኑናና ዳሪሲ ዎዴ አሺኬ» ጊያዌ፣ ቃሲ፣ «ኑፔ ሃኪ ዳሪሲ ዎዴ ኑ ቦላ ፃሌ» ጊያዌ፣ ሎዓኔ አሺኬ ጊዳዳ ኪሪሰቶሳ ባጋና ሂንቴና ዎሳይ።

2 ኑና ሃ ሳዓ ደያዳን ዳሪሲ ጊዳ ቆፒያ ኢቲ ኢቲ አሳቱዋ ቦላ ታኒ ፃላናዎ ኤራይ፤ ሺን ታኒ ሂንቴኮ ቢያ ዎዴ ሂንቴ ታና ፃሊሴና ማላ፣ ሂንቴና ዎሳይ።

3 አዪሲ ጎፔ፣ ኑኒ ሃ ሳዓን ዳያፔካ፣ ሃ ሳዓ አሳዳን ኦሌቶኮ።

4-5 አዪሲ ጎፔ፣ ኑኒ ኦሌቲያ ቶራይ ሃ ሳዓዎ ጊዳና። ሺን ጌሱዎ ላላናው ዎልቃና ዳሪሲ ያሳ ቶራ። ኑኒ አሳ ቆፋ ቆሴሴቶ፤ ቃሲ ያሳ ኤራቴላ ቦላ ዳንዲዳ ቆሴሴ ኦቶሮ ቆፋ ኡባ ላሌቶ። ሄ ቆፋ ኡባይ ኪሪሰቶሳው አዛዜታና ማላ ኦሞዴቶ።

6 ሂንቴ አዛዜቲያዎ ፖሌዳዎፔ ጉዪያን፣ አዛዜቲናን ኢዲያዎ ኡባ ኑኒ ሙራናው ገጌታና።

7 ሂንቴ ሲንሳን ዳሪሲ ያላቲ፤ ኦኒኔ ባሬና ኪሪሰቶሳዎ ጊዳ ቆፖፔ፣ ሄዎ ጉጂ ቆፖ፤ ኪሪሰቶሳዎ ኢ ጊዳዳዎዳን፣ ኑኒካ ቃሲ አዎ።

8 አዪሲ ጎፔ፣ ጎዳይ ኑሲ አሜዳ ኑ አዎቴላኒ ታኒ ሎይላ ኦቶራቲያዎ ጊዳፔካ፣ ሄዎን ዩላቲኬ፤ ሄ ኑሲ አሜዳ አዎቴላይ ሂንቴና ከፃናሳቲ አቲን፣ ኮላናሳ ጊዳና።

9 ታኒ ታ ዳቢዳቢያን ሂንቴና ያሺሳናው ፃፎ አሳ ማላታዴ ቤታናው ኮዪኬ።

10 እዩሲ ጎፔ፣ ኢቲ ኢቲ አሳይ፣ «ጳውሎሳ ዳቢዳቢ ዴዎኔ ዎልቃማ፤ ሺን ዪሊያ ዎዴ ኢ ዳቡራንቻ፤ አ ሃሳያይካ ፓሌና» ያጌ።

11 ሄዎ ማላ አሳይ ኮኒ ሃኩዎን ዴዒዴ ፃፊያ ዳቢዳቢያኒኔ ያኒ ሂንቴናና ዴዒዴ ኦሊያ ኦሱዎን ዲማቴሌ ባዪናዎ አኬካና ኮሼ።

12 ኮኒ ባሬና ናሺያ ኢቲ ኢቲ አሳቱዎና ኑና ፓይዳናው ዎይ ሊኪሳናው ኮዮኮ፤ ሺን ኡንቱንቱ ባሬና ኢቱ ኢቱዎና ሊኪሲዲኔ ቃሲ ባሬና ኢቱ ኢቱዎና ቃራዪዴ፣ ኡባና ኤዬዲኖ።

13 ሺን ኮኒ ያሳይ ኮሲ ኤሴዳ ዛዎ ጊዶን ጨቁቲያዎፔ አቲን፣ ሄ ዛዎፔ ፒኒዴ ጨቁቶኮ፤ ሄ ዛዎይ ሂንቴኮካ ጋኬ።

14 ኮኒ ሂንቴኮ ጋኪቤናዎ ማላቲዴ፣ ዛዎ ፒኖኮ፤ አዩሲ ጎፔ፣ ኮኒ ኪሪሰቶሳ ሚሺራቹዎ ቃላ ኦዲዴ፣ ሂንቴኮ ካሴ ጋኬድ።

15 ኮኒ ያሳይ ኤሴዳ ዛዎ ፒኒዴ፣ ሃራ አሳይ ኦሌዳ ኦሱዎን ጨቁቶኮ፤ ሺን ሂንቴ አማኑ ዲጨ ዲጨ ቢያ ዎዴ፣ ኮኒ ሂንቴ ጊዶን ኦሊያ ኦሱዎ ዛዎይ ካሴዎፔ ሎይሌ አኪ አኪ ባናዎ ጊዴ ቆፔቶ።

16 ኮኒ ሚሺራቹዎ ቃላ ሂንቴ ዴዒያሳፔ ሂኒ ባጋን ኦዳና፤ ቃሲ ሃራ ዛዎን ኦሴቲዲጌዳ ኦሱዎንካ ጨቁቶኮ።

17 ሺን ያሳ ማፃፋይ፣
«ጨቁቲያ ኡራይ ኦኒኔ
ጎዳ ሎዎቴላባን ጨቁቶ»

ያጌ።

18 እዩሲ ጎፔ፣ ጎዳይ ናሺያ ኡራፔ አቲን፣ ባሬና ናሺያ ኡራይ ጋላቲቲና።

11

ጳውሎሳኔ ባሬና ዬሱሲ ኪቴዳ ጊያ ዎርዳንቻቱዎ

1 ሂንቴ ታ ኤያቴላ ጉላ ዳንዳዪንቶ ሎዓ። ሃያና ዳንዳዪቴ።

2 ያሳይ ቃናቲያዎዳን፣ ታኒካ ሂንቴው ቃናታይ፤ አዩሲ ጎፔ፣ ታኒ ሂንቴና ኢቲ አቱማዎ፣ ኪሪሰቶሳው ኢማና ጋዴ፣ አቱማዎ ኤሬና ጌሻ ዎድራቲዳን ጊጊሳ ዎላዲ።

3 ሺን ሸሻይ ባሬ ማካላን ሄዎኖ ባሌዳዎዳን፣ ኪሪሰቶሳው ሂንቴ ኢሜዳ ሂንቴ ሱሬ ቆፋይ ባዩቤናዎ ዎራ ባንዴሻ ጋዴ ሂርጋይ።

4 አዩሲ ጎፔ፣ ኢቲ ኡራይ ዪዴ፣ ኮኒ ሂንቴንቶ ኦዴዳ ዬሱሳፔ ሃራ ዬሱሳ ሂንቴንቶ ኦዶፔ፣ ዋይ ሂንቴ ኣኬዳ ኣያናፔኔ ዋንጋላፔ ዲማ ኣያናኔ ዋንጋላ ሂንቴ ኣኮፔ፣ ሂንቴ ኤኖ ጊዴ ኣኬዲታ ጉሳ።

5 ዬሱሲ ኪቴዳ ሃ ዋናቱዋፔ ታኒ ኣያንካ ላጋያዋ ታው ማላቴና።

6 ታኒ ሃሳዪያ ሃሳያን ታማራቤና ኣሳ ጊዶፔካ፣ ኤራቴላን ጊዲኬ፤ ሺን ኮኒ ሂንቴንቶ ሃ ዬወዋ ኣሳ ኡባ ጊዶን ኡባ ባጋና ቆንጨሴዶ።

7 ዋይ ታኒ ሂንቴና ሚሻ ኦፔናን፣ ያሳ ሚሺራቹዋ ቃላ ሂንቴንቶ ጮ ኦዴዳዌኔ ሂንቴና ቶቁ ኦላናው ታ ሁጲያ ቶፔዳዋ ታው ናጋራ ጊዳንዴሻ?

8 ታኒ ሂንቴንቶ ኦላናው ሃራ ኣማኒያ ኣሳፔ ሚሻ ኣኬዳዎ፣ ሄዋንታ ቦንቃዲ።

9 ቃሲ ታኒ ሂንቴናና ዴሲሺን፣ ታና ሜቲና፣ ሂንቴፔ ኢቲ ኡራካ ዋዩሳቤይኬ። ኣዩሲ ጎፔ፣ ማቂዶኒያፔ ዬዳ ኢሻቱ ታና ኮሺዳ ኡባባ ታው ኢሜዲኖ፤ ታኒ ሂንቴና ዋዩሴና ማላ፣ ካሴ ቶኮ ጊዳቤናዋዳንካ ሲንሳወካ ቶኮ ጊዲኬ።

10 ኪሪሰቶሳ ቱማቴላይ ታናን ዴሲሺን፣ ሃ ታ ጩቁ ኣካዪያ ጋዲያን ሃቃኒኔ ኣቴና።

11 ታኒ ሃዋ ኣዩሲ ጋይታ? ሂንቴና ሲቁና ዲራሴ? ታኒ ሂንቴና ሲቁያዋ ያሳይ ኤሬ።

12 ሺን ሄ ባሬንቱ ጩቁቲያዋን ኮኒ ኦሊያዋዳን ኦላናው ጋሶቲያዋንቱ ጋሱዋ ዲጋናው፣ ሃሲ ታኒ ኦሊያ ኦሱዋ ጉጂዴ ኦላና።

13 ኣዩሲ ጎፔ፣ ኡንቴንቱ ዬሱሲ ኪቲቤና ዋርዶ ኣሳቱዋ፤ ሄዋንቱ ማላ ኣሳቱ ኪሪሰቶሲ ኪቴዳዋንታ ማላታናው ባሬንቱ ማላ ላሜሬሊያ ኪቴቲቤና ዋርዳንቻቱዋኔ ላባንቻ ኦሳንቻቱዋ።

14 ሄዌ ማላሊሲያዋ ጊዴና፤ ኣዩሲ ጎፔ፣ ሴፃናይ ባሬ ሁጲው ፖራዋ ኪታንቻ ማላታናው ባሬ ማላ ላሜ።

15 ሄዋ ዲራው፣ ሴፃና ኦሳንቻቱ ዪሎቴላ ኦሳንቻቱዋ ማላታናው ባሬንቱ ማላ ላሞፔ፣ ሄዌ ዋልቃማባ ጊዴና፤ ኡንቴንቱ ወርሴላን ባሬንቱ ኦሱዋ ማላ ኣካና።

ጳውሎሳ ጋኬዳ ሜቱዋ

16 ታኒ ላዔሉዋካ ጋይ፤ ታና ኦኒኔ ኤያ ጊዴ ቆፖፖ፤ ሺን ሂንቴ ታና፣ ኢ ኤያ ጎፔካ፣ ታኒ ጉላ ጩቁታናዳን፣ ታና ኤያ ጊቴ።

17 ታኒ ሃዋዳን ፃላዴ ጩቁታዴ ሃሳዪያዌ፣ ኤያቴላ ሃሳያፔ ኣቲን፣ ታና ጎዳይ ኣዛዚና ጊዴና።

18 ዳር አሳይ ሃ ሳባባን ጨቁቲያ ዲራው፡ ታኒካ ጨቁታና።

19 ሂንቲ አዴዳ ኤራንቻ ጊዲያ ዲራው፡ ኤያ አሳዋ ናሼቻን ዳንዳዪታ።

20 አዪሲ ጎፔ፡ ኦኒኔ ሂንቲና አዪሌዮፔ፡ ዋይ ሂንቲዋ ሞፔ፡ ዋይ ሂንቲዋ ቦንቆፔ፡ ሂንቲ ቦላ ኦቶሬቶፔ፡ ዋይ ሂንቲ ሻዪያ ባቆፔ፡ ዳንዳዪታ።

21 ኦኒ ሄዋ አላናው ዳር ዳቡራንቻ ጊዳዳዋ ታኒ ዬላታዳ አዳይ።

ሺን ኦኒኔ አቲባን ፃሊዳ ጨቁቶፔ፡ ታኒካ ጨቁታናው ፃላይ፤ ታኒ ኤያ አሳዳን ሃሳያይ።

22 ኡንቲንቲ ኢብራዌ? ታኒካ ኢብራዌ። ኡንቲንቲ ኢሰራዔሊያ አሴ? ታኒካ ኢሰራዔሊያ አሳ። ኡንቲንቲ አብራሃማ ዛሬ? ታኒካ ቃሲ አብራሃማ ዛሬ።

23 ኡንቲንቲ ኪሪሰቶሳ ቆማቲ? ታኒካ ኡንቲንቲፔ አዲያ ቆማ፤ ታኒ ጎዪያ አሳዳን ሃሳያይ፤ ታኒ ዳር አላ ዳቡራዲ፤ ዳር ዋዲያ ቃሼታዲኔ ሊሱዋን ሾጩታዲ፤ ቃሲ ዳር ዋዲያ ሃዪቃዳ አታዲ።

24 አዪሁዳቲ ታና አቼሹ ጌዳ፡ ሃታማኔ ኡዲፑኑዋ ሊሱዋን ሾጩዲኖ።

25 ሮማ አሳይ ታና ሄዙ ጌዳ ፃሞዓን ሾጩዳ፤ አቲ ጋላሲ ሹቻን ጫዲ ጫዲዳ አጌዳ፤ ማርካቢ ሄዙ ጌዳ ሜዒና፡ አባ ጊደን አቲ ቃማኔ አቲ ጋላሳ አቃዳ ፔሻዲ።

26 ታኒ ዳር ኦጊያ ሃማታዲ፤ ታና ኩንላ ሃላዪኔ ቦንቃንቻቲ ቦንቁ ዲጊዳ አሼዳ፤ ቃሲ ታ ቢታ አሳይኔ አዪሁዳ ጊዳና አሳይ ቦንቁ ዲጊዳ አሼዲኖ። ቃሲካ ካታማይ፡ ባዙ፡ አባይ፡ ታና ያሸሴዳ፤ ዋርዲዋ ዳባቲካ ታና ቦንቁ ዲጊዳ አሼዲኖ።

27 ታኒ ዳቡራዲኔ ሜቶታዲ። ዳር ጌዳ ጌሚዒሹዋ ቋያዲ፤ ኮሻታዲ፤ ሳማታዲ። ዳር ጌዳ ያማዲ፤ ቃሲ ሜጌታዲኔ ካሎታዲ።

28 ሃራባ ኡባፔካ ኡባ ጋላሲ ታው ቶኩዋ ጊዳዳባይ፡ ዋሳ ጎሊያ ኡባው ሂርጊያዋ።

29 ዳቡሪያዌ ኦኔ? ታኒ ዳቡሪኪታዬ? ናጋራን ጌሊያዌ ኦኔ? ታኒ ኡንዔታዳ አው ቃሬቲኪታዬ?

30 ታኒ ጨቁታናው ኮሺያዋ ጊደፔ፡ ታኒ ዳቡራንቻ ጊዲያዋ ኤሪሲያዋን ጨቁታና።

31 ሜዲናው አንጄቴዳ ያሳይ፡ ኦ ጎዳ ዬሱሲ ኪሪሰቶሳ አዉ፡ ታኒ ዋርዶቴናዋ ኤሬ።

32 ዳማሰቆ ካታማን ኣሬታሳ ጊያ ካቲያፕ ጋርሳና ጋዲያ ሞዲያዎ፣ ታና ኣይፋናው ዳማሰቆ ካታማ ናጊሴ።

33 ሺን ካታማ ጊምቢያ ዲርሳ ማሰኮቲያና ታና ታዩያን ዲጌ ዎሊና፣ ኣፕ ኬሳ ኣካዲ።

12

ጳውሎሳ ሳፃ

1 ጨቁቲያዎ ታው ኣዩኔ ጎዔናዎ ጊዶፕካ፣ ታኒ ጨቁታናው ቤሴ። ሺን ታኒ ሳፃባኔ ጎዶፕ ቆንጨዳዎ ሃሳያና።

2 ታማኔ ኦይዲ ላይፋፕ ካሴ፣ ሄዜንፋ ሳሉዎ ፑዴ ቤዳ ኣቲ ቢታኒያ፣ ኪሪሰቶሳ ኣማኒያዎ፣ ታኒ ኤራይ፤ ሄ ቢታኒ ባሬ ኣሳቴላን ቤዴ ዎይ ሳፃን ቤዴንቶ፣ ታኒ ኤሪኬ፤ ያሳይ ኤሬ።

3 ሄ ቢታኒያ፣ ሄዜንፋ ሳሉዎ ፑዴ ቤዳዎ፣ ኤራይ፤ ኢ ባሬ ኣሳቴላን ቤዴንቶኔ ዎይ ሳፃን ቤዴንቶ፣ ታኒ ኤሪኬ፤ ያሳይ ኤሬ።

4 ሄዎን ሄ ቢታኒ ኣሳይ ሃሳያናው ዳንዳዬናዎ፣ ኣሳ ኢንፃርሳዩካ ሃሳያናው ዳንዳዬናዎ ሲሴዳ።

5 ታኒ ሄ ቢታኒያባን ጨቁታና፤ ሺን ታኒ ዳቡራንቻ ጊዲያዎ ኤሪሲያ ዲራው፣ ታ ሁጲያን ጨቁቲኬ።

6 ታኒ ጨቁታናው ኮዩያዎ ጊዶፕካ ኤያ ጊዲኬ፤ ኣዩሲ ጎፕ፣ ታኒ ቱሙዎ ሃሳያይ። ሺን ኣሳይ ታዎ ታናን ቤዲያዎፕኔ ታፕ ሲሲያዎፕ ኣሊዴ ቆፕና ማላ ናጌታይ።

7 ቃሲ ያሳይ ታው ዳር ቆንጨዳ ዎልቃማ ዩወዎፕ ዳንዳዳዎን ኦቶሪቴናዳን ዲጋናው ታና ጫዲ ኦይቂያ፣ ሴፃና ኪታንቻይ፣ ታና ሜቶፋናወኔ ታኒ ኦቶሪቴና ማላ፣ ታና ናጋናው ታው ኢሜቴዳ።

8 ሄዎ ታፕ ሻካና ማላ፣ ታኒ ጎዳ ሄዙ ጌዴ ዎሳዲ።

9 ጎዳይ ታና፣ «ታ ኣጾ ከካቴላይ ኔው ጊዳናዎ፤ ኣዩሲ ጎፕ፣ ታ ዎልቃይ ኔ ዳቡራን ፖሎቴ» ያጌዳ፤ ሄዎ ዲራው፣ ኪሪሰቶሳ ዎልቃይ ታናን ዴዳና ማላ፣ ታ ዳቡራን ጨቁታናው ታኒ ዳር ናጌታይ።

10 ታኒ ኪሪሰቶሳ ዲራው ዳቡሪያዎን፣ ኣሳን ቦሬቲያዎን፣ ዎዩቲያዎን፣ ዩዳርሴቲያዎን፣ ሜቶቲያዎን ናጌታይ፤ ኣዩሲ ጎፕ፣ ታኒ ዳቡሪያ ዎዴ፣ ሄ ዎዴ ማናይ።

ጳውሎሲ ቆርንቶሳ ኣሳሲ ኡንዔቲዴ ቆፕዳ

11 ታኒ ጨቁቲዳዎን ኤያዲ፤ ሺን ሄዎ ሃንቴ ታና ዎልቃን ኦሲሴዲታ፤ ኣዩሲ ጎፕ፣ ሃንቴ ታና ጋላታናው ቤሴ፤ ታኒ ኣያኒኔ ኤሬቴናን ጳዮፕካ፣ ዩሱሲ ኪቴዳ ጶቃ ጌቴቴዳ ኡባቴዎፕ ላፊኬ።

12 ታና ዩሱሲ ኪቴዳዌ ቱማ ጊዲያዎ ኤሪሲያ ማላይ፡ ኦራላባይኔ ዎልቃማ ኦሱ ሂንቴ ጊደን ደር ገንጫን ኦሴቴዳ።

13 ታኒ ታ ሁጲያን ሂንቴና ዋዩሳቤናዎፔ አቴን፡ ሃራ አማኒያ አሳቱዎፔ ሂንቴ እያኒ ላፊቴ? ሃያና ታኒ ሂንቴና ናቄዳዎ ታው አቶ ገቴ።

14 ታኒ ሂንቴኮ ባናው ገገዳፔ፡ ሃዌ ታው ሄዜንሉ ዎዴ፤ ታኒ ሂንቴና ዋዩሲኬ። ታኒ ሂንቴና ኮዩያዎፔ አቴን፡ ሂንቴ ሚሻ ኮዩኬ፤ አዩሲ ጎፔ፡ አወኔ አታ ባሬንቴ ናናው ሚሻ ሚንጂያዎፔ አቴን፡ ናናይ ባሬንቴ አዎኔ አቴው ሚንጂኪና።

15 ታኒ ሂንቴ ሸምፖ ታው ዴዲያዎ ታናና ጋላዴ ናሼቻን እማና፤ ያቴና፡ ታኒ ሂንቴና ሎይላ ሲቂያ ዲራው፡ ሂንቴ ታና ላፋ ሲቂቴ?

16 ጊደፔካ፡ ታኒ ሂንቴና ዋዩሳቤይኬ፤ ሺን ሂንቴ ታና፡ «ኔኒ ኑና ጨማዴ ማካላን ኦይቃዳ» ያጋኒታ።

17 ታኒ ሃራይ አቶ፡ ሂንቴኮ ኪቴዳ አቴ አሳ ባጋናካ ሂንቴፔ ጎዴታዲታ?

18 ቲቶ ሂንቴኮ ባና ማላ፡ ታኒ ዎሳዲ፤ ቃሲ አማኒያ ኢሻካ አናና ዩዳዲ። ቲቶ ሂንቴፔ ጎዴቴዴ? ኑኒ ኑ ኦሱዎ አቴ ቆፋን ኦሲቤይኮ? ቃሲ ኑ ሃኑካ አቱዎ ጊዴኔዬ?

19 ኑኒ ኡባ ዎዴካ ሂንቴ ሲንላን ኑ ሁጲው ሞቴቲያዎ ሂንቴንቶ ማላቴ? ኑኒ ከሪሰቶሳን ዴዲያዎንቴዳን፡ ያሳ ሲንላን ሃዲ ጋካናሲካ ሃሳዬቶ፡ ኑ ሲቃቶ፡ ኑኒ ኦሲያ ኡባባይካ ሂንቴና ማዳናሳ።

20 አዩሲ ጎፔ፡ ታኒ ሂንቴኮ ቢያ ዎዴ፡ ኦኒ ኤሪ ታኒ ኮዩያዎ ማላ ሂንቴ ጊዴናን አጋኔንቶኔ፤ ቃሲ ታኒካ ሂንቴ ኮዩያዎ ማላ ጊዴናን አጋኔንቶኔ። ቃሲ ኦኒ ኤሪ ሄዎን ፓሉሚ፡ ቃናቴ፡ ሃንቁ፡ ዮራይ፡ ዘጊርሳይ፡ ሳሮቴላ ዲጉሳይ፡ ኦቶሩ፡ ሜቱ ዴዴናን ዋዩ አጋና፤ ታና ያሹ።

21 ታኒ ሂንቴኮ ላዔሉዎ ቢያ ዎዴ፡ ታ ያሳይ ሂንቴ ሲንላን ታና ካዉሻኔንቶኔ ያያይ፤ ታኒ ናጋራ ካሴ ኦሲዴ፡ ባሬንቴ ኦሴዳ ቱናቴላፔ፡ ዎሹሚያዎፔኔ አሙዎፔ ሲሚቤና ደር አሳቶ ዩኬናን ኣኒኬ ጋዴ ያያይ።

13

ዉርሴላ ዞሪያኔ ሳርታ

1 ሃዌ ታው ሂንቴኮ ዩሳይ ሄዜንሉ ዎዴ። አይ ሞቱካ ላዑ ዎይ ሄዙ ማርካይ ማርካቴና ፒርዴታናው ኮሹ።

13:1 ዛር 17:6፤ 19:15

2 ታኒ ላዔንሉዎ ሂንቴናና ጋኬቴዳ ዎዴ፡ ሂንቴና ናጌቴቴ ጋዲ፤ ሃዒካ ሃኩዋን ዴዎፕካ፡ ሂንቴና ናጌቴቴ ጋይ። ታኒ ቃሲካ ሂንቴኮ ቢያ ዎዴ፡ ናጋራ ካሴ ኦሌዳዋንታካ ቃሲ ሃራቴዎ ኡባቴዋካ ሙሪናን አጊኬ።

3 አዪሲ ጎፔ፡ ኪሪሰቶሲ ታ ባጋና ሃሳዪያዎ ኤሪሲያዎ ሂንቴ ኮዪታ። ኢ ሂንቴናና ሃሳዪያ ዎዴ አ ዎልቃፔ አቴን ቤቴያዌ አ ዲቡራ ጊዴና።

4 አዪሲ ጎፔ፡ ኪሪሰቶሲ ማሰቃሊያ ቦላ ሚሲማሪያን ጴሼቴዴ፡ ዲቡራን ካቄቴዳ፤ ሺን ያሳ ዎልቃን ገፃ ዴዔ። አዪሲ ጎፔ፡ ኢ ዲቡራንቻ ጊዴዳዎዳን፡ ኮኒካ ዲቡራንቻ፤ ሺን ሂንቴናና ሃሳዪያዎን ኮኒ ያሳ ዎልቃን አናና ዴዓና።

5 አማኑዋን ሂንቴ ሚኒ ዴዒንቶ አኔ ሂንቴና ገጠቴ፤ ሂንቴና ቢዲቴ። ኪሪሰቶሲ ሂንቴናን ዴዒያዎ ሂንቴ ኤሪኪቴ? ሄዌ ጳዮፔ ገጠያን ኩንዴዲታ ጉሳ።

6 ኮኒ ገጠያን ኩንዲቤናዎ ሂንቴ ኤሪያዎ አማናይ።

7 ሂንቴ ኢታባ ሙሌካ ኦሌና ማላ፡ ኮኒ ያሳ ዎሴቶ። ኮኒ ገጠያ ዳንዳዪያዎንታ ጊዲዴ ቤታናሳ ጊዴና፤ ሺን ኮኒ ገጠያ ዳንዳዪናዎንታ ማላቴዴ ቤቶፕካ፡ ሎዎባ ሂንቴ አላናሳ።

8 አዪሲ ጎፔ፡ ኮኒ ቱሙዎ ፃላላው አላናፔ አቴን፡ ቱሙዎፔ ሃራ አዪኔ አላናው ዳንዳዮኮ፤

9 ኮኒ ዲቡራንቻ ሺን ሂንቴ ዎልቃማ ጊዴዴ ናሼቴቶ። ሂንቴ ፖሎ ጊዴና ማላ ኮኒ ያሳ ዎሴቶ።

10 ታኒ ሂንቴፔ ሃኩዋን ዴዓዴ ፃፌዳዌ ሄዎ ዲራሳ፤ ታኒ ሂንቴኮ ቢያ ዎዴ፡ ጎዳይ ታው ኢሜዳ ማታኒ ዜምፓዴ፡ ሂንቴና ሜቶላናው ታና ዎዪ ኮሻና። ሄ ማታይ ታኒ ሂንቴና ኬፃናው ታው ኢሜቴዳዎፔ አቴን፡ ሂንቴና ኮላናው ኢሜቴቤና።

11 ዉርሴላን ታናዳን ያሳ ካሊያዎንቶ፡ ሳሮ ዴዒቴ፤ ባሊ ባይናን ዴዒቴ፤ ታ ዘሪያ ሲሲቴ፤ ኢቴ ዎዛና ጊዲዴ ዴዒቴ፤ ሳሮቴላን ዴዒቴ። ሲቁዎኔ ሳሮቴላ ያሳይ፡ ሂንቴናና ኢቴፔ ዴዓና።

12 ኢቱ ኢቱዋና ጌሻ ዩሬታ ዩሬቴዴ ሳሮቴቴቴ።

13 ያሳ አሳ ኡባቴ ሂንቴና ሳሮ ሳሮ ጊና።

14 ጎዳ ዩሱሲ ኪሪሰቶሳ አጶ ኬካቴላይ፡ ያሳ ሲቁ፡ ጌሻ አያና ኢቴፔቴላይ ሂንቴናና ኡባና ጊዴ። አሜንዒ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c